

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća
Broj: 01-04-1602/25-AP-4
Datum: 25.07.2025. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno:	08-08-2025		
Org. jed.	Kl. ozn.	Red. broj	Br. priloga
02	04	1726/21	

GRADONAČELNICA **ZAVIDOVIĆI**

PREDMET: Vijećnička pitanja i inicijative sa 9. sjednice Gradskog vijeća održane, dana 25.07.2025. godine i 29.07.2025. godine., dostavljaju se.

Na osnovu člana 167. stav (1) i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 9. sjednici Gradskog vijeća održanoj, dana 25.07.2025. godine i 29.07.2025. godine:

- Inicijativa vijećnice Mirele Bašić – Inicijativa za za sufinansiranje dijela troškova izgradnje planinarskog doma.
- Inicijativa vijećnice Sanele Dendić - Inicijativa za za modernizaciju i zamjenu neispravnih rasvjetnih tijela u ulici Alije Izetbegovića.
- Inicijativa vijećnika Sanela Jalmanovića – Inicijativa za za asfaltiranje ulice Maršala Tita u Zavidovićima, u dužini od oko 200 metara, na potezu od Socijalnog prema željezničkoj stanici.
- Inicijativa vijećnika Šemsudina Skejića (1) - Inicijativa za dostavu informacije o stanju realizacije izrade Urbanističkog Plana Grada Zavidovići te razmatranja iste na jednoj od narednih sjednica.
- Inicijativa vijećnika Šemsudina Skejića (2) - Inicijativa za izradu informacije o stanju realizacije infrastrukturnog projekta KRUŽNI TOK KRIVAJA kao i razmatranje informacije na jednoj od narednih sjednica Gradskog vijeća.
- Inicijativa vijećnika Šemsudina Skejića (3) - Inicijativa za donošenje odluke na osnovu koje će mi nadležna Služba za upravu geodetskih, imovinskopравnih poslova i urbanizam dostaviti na uvid dokumentaciju vezanu za izdavanje odobrenja za građenje.
- Inicijativa vijećnika Amira Tursića (1) - Inicijativa za izradu projektne dokumentacije za uređenje Ulice Gazija, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.
- Inicijativa vijećnika Amira Tursića (2) - Inicijativa za za izradu projektne dokumentacije za nastavak uređenja Ulice Voćarski put, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.
- Inicijativa vijećnika Amira Tursića (3) - Inicijativa za za izradu uspornika i saobraćajne signalizacije koja nalaže smanjenje brzine, u neposrednoj blizini dva podvožnjaka u naseljenom mjestu Alići, u Mjesnoj zajednici „Dolina-Alići“.
- Vijećničko pitanje vijećnika Asima Džinde;
- Vijećničko pitanje vijećnika Sanela Jalmanovića;
- Vijećničko pitanje vijećnika Šemsudina Skejića,

- Vijećniko pitanje vijećnika Igora Šimšića,
- Vijećničko pitanje vijećnika Omera Ćosića.

Odgovore na postavljena vijećnička pitanja i inicijative potrebno je dostaviti predsjedavajućoj Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 9. sjednice Vijeća održane dana 25.07.2025. godine i 29.07.2025. godine.

DOSTAVLJENO:

1. Naslovu,
2. U spis.

Akt pripremio:


Samira Pinjić, dipl. pravnik



PREDSJEDAVAJUĆA
GRADSKOG VIJEĆA

Amira dr Hadžić, spec. radiolog

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća

Broj: 01-04-1602/25-AP-4

Datum: 25.07.2025. godine

PREDMET: Vijećnička pitanja i inicijative sa 9. sjednice Gradskog vijeća održane, dana 25.07.2025. godine i 29.07.2025. godine, dostavljaju se.

Na osnovu člana 167. stav (1) i člana 171. i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 9. sjednici Gradskog vijeća održanoj, dana 25.07.2025. godine i 29.07.2025. godine:

VIJEĆNIČKA PITANJA I VIJEĆNIČKE INICIJATIVE SA 9. SJEDNICE GRADSKOG VIJEĆA ZAVIDOVIĆI

Mirela Bašić

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za sufinansiranje dijela troškova izgradnje planinarskog doma.

Obrazloženje:

Planinarsko društvo iz našeg grada, svojim predanim radom i isključivo volonterskim angažmanom, trenutno gradi planinarski dom. U vremenu kada su ovakve inicijative rijetkost, ovi ljudi svojim nesebičnim djelovanjem pokazuju koliko im je stalo do našeg Grada i njegovog potencijala.

Planinarska društva imaju važnu ulogu u razvoju turizma, promociji zdravih stilova života, edukaciji mladih i očuvanju prirodnog okruženja. Grad Zavidovići ima izuzetne prirodne resurse, ali oni mogu postati istinska vrijednost samo ako ih znamo čuvati, razvijati i ponuditi posjetiocima na pravi način — a upravo to rade naši planinari.

Međutim, kako bi mogli završiti krov prije zime i zaštititi postojeće radove, potrebno je dodatno finansiranje za nabavku materijala. Stoga ovom inicijativom predlažem da Grad Zavidovići izdvoji sredstva u skladu s priloženim predračunom koji su mi članovi društva dostavili, a sve s ciljem podrške njihovom nesebičnom radu i daljoj realizaciji ovog projekta koji ima dugoročan značaj za razvoj turizma i očuvanje prirode.

PRILOG: Predračun broj: 11-07/2025 od 11.07.2025. godine.

Asim Džindo

PREDMET: Vijećničko pitanje

Na osnovu člana 8. i 87. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići postavljam sljedeće vijećničko pitanje i zahtijevam odgovor od MUP ZDK - PS Zavidovići odgovor u pisanoj formi.

Predmet: Stanje sigurnosti i narušavanja javne imovine u pothodniku između ulice Stjepana Radića i ulice Maršala Tita.

Poštovani,

Molim PS Zavidovići da dostavi sljedeće podatke:

1. Koliko je slučajeva narušavanja javne imovine zabilježeno u pothodniku koji povezuje ulicu Stjepana Radića i ulice Maršala Tita u periodu od 1. januara 2023. godine do 25.7.2025. godine?

Da li su počinioci u tim slučajevima identifikovani? Ako jesu:

- Koliko je lica identifikovano?

- Kojim su licima izrečene sankcije i koje vrste sankcija su primijenjene?

Ima li Policijska uprava prijedlog preventivnih mjera ili tehničkih rješenja za unapređenje sigurnosti i očuvanja javne imovine u ovom prostoru, sa posebnim fokusom na:

- sprečavanje grafitiranja i uništavanje zidova,

- lomljenja rasvjete i druge infrastrukture,

- općenito, smanjenje vandalizma u pothodniku?

S poštovanjem,

Sanela Dendić

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim vijećničku inicijativu za modernizaciju i zamjenu neispravnih rasvjetnih tijela u ulici Alije Izetbegovića.

Obrazloženje

Podnosim inicijativu za hitnu zamjenu neispravnih i tehnološki zastarjelih rasvjetnih tijela u ulici Alije Izetbegovića, s posebnim naglaskom na njen gornji dio (dionica od "Semafora" do "Lamela"), gdje je više rasvjetnih tijela trenutno van funkcije, a njihov broj je već ograničen i nedostatan za sigurno i funkcionalno osvjetljenje javne površine. PJKP

Ulica Alije Izetbegovića predstavlja važan gradski pješački i saobraćajni pravac, s intenzivnim kretanjem građana i vozila. Neadekvatna i neispravna rasvjeta u večernjim satima direktno utiče na sigurnost učesnika u saobraćaju, povećava rizik od nezgoda i narušava opći ambijent centralne gradske zone. Pored funkcionalnih problema, postojeća rasvjetna tijela u gornjem dijelu ulice nisu energetske efikasne, jer nisu zasnovane na LED tehnologiji. Savremeni LED sistemi omogućavaju veću energetske uštedu, duži vijek trajanja, manju potrebu za održavanjem te značajno kvalitetnije osvjetljenje.

Sanel Jalmanović

PREDMET: Vijećničko pitanje

Na osnovu člana 8 i 87 Poslovnika o radu Gradskog vijeća Zavidovići, kao vijećnik Gradskog vijeća za današnju sjednicu postavljam postavljam vijećničko pitanje:

S obzirom na predstojeću sezonu grijanja, postavljam pitanje u ime zabrinutih sugrađana:

Da li će građani Zavidovića imati osiguranu i adekvatnu isporuku toplotne energije u narednoj grejnoj sezoni?

Smatram da ukoliko postoje bilo kakve tehničke ili organizacione prepreke koje bi mogle dovesti u pitanje pravovremenu i kvalitetnu isporuku grijanja, neophodno je da se o tome blagovremeno obavijeste građani kako bi imali mogućnost da se na vrijeme organizuju i pronađu alternativna rješenja. PJKP

Također, podsjećam vas da je Gradsko vijeće 08. aprila tekuće godine održalo tematsku sjednicu na temu stanja u JKP „Radnik“ Zavidovići, tokom koje su usvojeni određeni zaključci i preporuke za poboljšanje rada preduzeća.

Šta je konkretno urađeno po pitanju realizacije tih zaključaka?

Koje mjere su preduzete, koje preporuke su implementirane, i kakvi su trenutni kapaciteti JKP „Radnik“ u pogledu isporuke toplotne energije za sezonu 2025/2026?

Molim za pismeni i usmeni odgovor.

Sanel Jalmanović

PREDMET: Vijećnička inicijativa

Poštovani,

Na osnovu člana 109. Poslovnika o radu Gradskog vijeća Zavidovići, podnosim INICIJATIVU za asfaltiranje ulice Maršala Tita u Zavidovićima, u dužini od oko 200 metara, na potezu od Socijalnog prema željezničkoj stanici.

Obrazloženje

Ulica Maršala Tita predstavlja jednu od važnijih saobraćajnica u našem gradu, jer povezuje centralni dio grada sa željezničkom stanicom. Uprkos njenom značaju, dionica u dužini od cca 200 metara se već duže vrijeme nalazi u izrazito lošem stanju — sa brojnim oštećenjima, udarnim rupama i oštećenim kolovozom, naročito je to vidljivo sa pojavim većih količina kiše. S obzirom da se ova dionica svakodnevno koristi od strane velikog broja građana, uključujući putnike koji koriste željeznicu, ali i stanovnike okolnih naselja, njeno asfaltiranje bi unaprijedilo infrastrukturu grada i poboljšalo opći izgled ove urbane Zone.

Stoga predlažem da nadležne gradske službe uvrste ovu inicijativu u Plan kapitalnih investicija, te pristupe izradi tehničke dokumentacije i izvođenju potrebnih radova.

S poštovanjem,

Šemsudin Skejić

PREDMET: Vijećnička inicijativa br.1

Na osnovu člana 8. stav 1. alineja 3 i člana 109. stav 2. Poslovnika o radu Gradskog vijeća-prečišćeni tekst(Službeni glasnik Grada Zavidovići broj 7/2022 i 1/23) podnosim Vijećničku inicijativu za dostavu informacije o stanju realizacije izrade Urbanističkog Plana Grada Zavidovići te razmatranja iste na jednoj od narednih sjednica.

OBRAZLOŽENJE

1. Ukratko o Urbanističkom planu Grada Zavidovići

Posljednji Urbanistički plan koji je Općina Zavidovići usvojila je UP iz 1989 godine.

Isti je formalno istekao 2009 godine jer se Urbanistički planovi rade na period od 20 godina a zvanično je stavljen van snage u januaru 2022 godine.

Van upotrebe je i svih 7 regulacionih planova Grada Zavidovići. U martu 2024 godine donešena je odluka o izradi i donošenju novog, Urbanističkog plana Grada Zavidovići za period 2025-2045 godine. 09.08.2024 godine potpisan je protokol između Grada Zavidovići i Zavoda za Urbanizam i prostorno uređenje ZE-DO kantona čime su stvoreni uslovi za izradu i donošenje urbanističkog plana Grada Zavidovići.

Odlukom o izradi UP kao i potpisanim protokolom definisane su obaveze nosioca pripreme koje proizilaze iz člana 44. Zakona o prostornom uređenju i građenju ZE-DO kantona, prema kojem je nosilac pripreme (Grad Zavidovići) dužan nosiocu izrade UP (Zavod za urbanizam i prostorno uređenje) dostaviti potrebnu dokumentaciju.

Protokol je definisao početak izrade UP u januaru 2025 godine sa rokom izrade 18 mjeseci. to je podrazumijevalo da nosioc pripreme (Grad Zavidovići) potrebnu dokumentaciju Zavodu dostavi do kraja 2024 godine.

2. Procjena stanja realizacije izrade UP

Šta je do sada (15 mjeseci od usvajanja odluke o izradi i usvajanju UP (Grada Zavidovići) uradio NOSILAC PRIPREME?

Šta je dobio i šta je do sada uradio Nosilac izrade UP?

Kakva je procjena roka za usvajanje UP Grada Zavidovići?

Ovo su samo neka pitanja na koja treba dati odgovor informacija o stanju realizacije UP Grada Zavidovići koja je predmet moje inicijative i koja treba da bude predmet rasprave na jednoj od narednih sjednica Gradskog vijeća.

3. Procjena dosadašnjih aktivnosti i procjena roka usvajanja UP.

Nakon upornog insistiranja na rješavanju problema Urbanizma Grada Zavidovići, nakon traženja informacija od Gradonačelnika i nadležnih gradskih službi, Zavod za urbanizam i prostorno uređenje ZE-DO kantona, Ministarstva za promet i komunikacije ZE-DO kantona, nadležnih inspekcija u kantonu, Skupštine kantona, sa visokim stepenom odgovornosti obavještavam Vas uvaženi vijećnici da se moja procjena o ovoj problematiki svodi na sljedeće:

a) Do danas je prošlo 15 mjeseci od usvajanja odluke o izradi i donošenju UP Grada Zavidovići i gotovo 12 mjeseci od potpisivanja protokola o izradi istog ali ipak nije urađeno ni 1% ukupnog posla.

b) Radeći ovim tempom Grad Zavidovići neće dobiti UP ni za dva mandata. Do kraja tekućeg mandata Gradsko vijeće i Gradonačelnica sigurno ga neće dobiti. Zbog toga tražim da se pripremi i uputi na raspravu Informacija o do sada urađenom poslu kao i plan aktivnosti koji će omogućiti donošenje UP Grada Zavidovići u planiranom roku.

Tražim da se rasprava obavi najdalje do oktobra 2025 godine a da se svakih narednih 6 mjeseci Gradskom vijeću dostavlja informacija o realizaciji (oktobar 2025, april 2026 i oktobar 2026 ili po potrebi ukoliko bude neophodno).

Za realizaciju ove inicijative nisu potrebna finansijska sredstva.

Šemsudin Skejić

PREDMET: Vijećnička inicijativa br.2

Na osnovu člana 8. stav 1. alineja 3. i člana 109. stav 2. Poslovnika o radu Gradskog vijeća - prečišćeni tekst (Službeni glasnik Grada Zavidovići broj 7/2022 i 1/23) podnosim Vijećničku inicijativu za izradu informacije o stanju realizacije infrastrukturnog projekta KRUŽNI TOK KRIVAJA" kao i razmatranje informacije na jednoj od narednih sjednica Gradskog vijeća.

1. Realizacija projekta KRUŽNI TOK KRIVAJA

Projekat KRUŽNI TOK KRIVAJA važan je infrastrukturni projekat za Grad Zavidovići. U proteklih 8 godina predmet je političkih nadmudrivanja, a to je posebno izraženo u izbornim godinama. Nesumnjivo je da će tako biti i sljedeće 2026. (izborne) godine.

Realizacija ovog projekta nije pokrenuta isključivo zbog nerada Gradske uprave u prethodna dva mandata. Nerad ili nemoć, a najvjerovatnije i jedno i drugo bili su glavni razlozi što gužve na ušću Krivaje u Bosnu sve više izluđuju kako vozače tako i pješake. Posebno je to izraženo neposredno prije i nakon radnog vremena. Da ne pominjem juli i august kada je broj učesnika u saobraćaju povećan zbog dolaska naše „dijasporu“. Najveća greška koju su napravili prethodni Gradonačelnik i služba nadležna za urbanizam bila je ukidanje prostorno planske dokumentacije i apsolutno pasivan odnos u izradi novog Urbanističkog plana.

Značajan pomak ka realizaciji ovog projekta kao i izrade i donošenja Urbanističkog plana napravilo je Gradsko vijeće u prošlom sazivu na svojoj posljednjoj sjednici 31.07.2024. godine. Na toj sjednici, a zahvaljujući pomoći Ministarstva prostornog uređenja ZE DO kantona omogućen je nastavak aktivnosti realizacije ovog projekta.

U prilogu ovog zahtjeva dostavljam dio dokumenata iz kojih se jasno vidi da nema zapreka za Projekat kružni tok. To nedvosmisleno potvrđuje dopis broj: 12-1-19-12437 od 26.08.2024. godine (zaprmljen u Službi 29.08.2024. godine) kojim je Kantonalni zavod za urbanizam i

prostorno uređenje obavijestio Službu za upravu geodetskih, imovinsko-pravnih poslova i urbanizam Grada Zavidovići da MOŽE pristupiti realizaciji projekta KRUŽNI TOK KRIVAJA.

Tražim da Gradonačelnica putem nadležne službe pripremi odgovarajući radni materijal, odnosno sve relevantne informacije neophodne za razmatranje navedene problematike.

Podsjećam na konstataciju Kolegija Gradskog vijeća u kojoj se navodi da se o ovoj temi može raspravljati u tački koja je u programu rada predviđena pod rednim brojem 22. Izvještaj o realizaciji regulacionih planova (januar-april).

Kako se to nije desilo zahtijevam da obezbijedite raspravu na ovu temu i to najdalje na oktobarskoj sjednici Gradskog vijeća.

-PRILOG-

„PREDSJEDAVAJUĆI GRADSKOG VIJEĆA

-GRADONAČELNIK

-SLUŽBA ZA UPRAVU GEODETSKIH, IMOVINSKO-PRAVNIH POSLOVA I URBANIZMA

Predmet: Vijećničko pitanje br.1

Na osnovu člana 87. i člana 166. Poslovnika o radu Gradskog vijeća (novi prečišćeni tekst) SL.Glasnik br. 7/2022 postavljam sljedeće vijećničko pitanje:

Da li je Gradonačelnik putem Službe za upravu geodetskih, imovinsko-pravnih poslova i urbanizma uputio zahtjev za realizaciju i definisanje preduslova u urbanističkoj saglasnosti na temelju stručne ocjene za projekat „KRUŽNI TOK KRIVAJA“? Stručna ocjena se traži na osnovu člana 188. Zakona o prostornom uređenju i građenju Sl.novine ZE-DO kantona br.17 od 17.11.2023.godine.

Ako to nije urađeno, kada će biti?

Obrazloženje

Na sjednici Gradskog vijeća održanoj 31.07.2024.godine donesen je sljedeći Zaključak br. 01-04-1518/24-AP-5S u kojem pod rednim brojem 6. stoji:

6. Zadužuje se Gradonačelnik sa Službom za upravu geodetskih, imovinsko pravnih poslova i urbanizma da ODMAH podnese zahtjev Ministarstvu prostornog uređenja, prometa i komunikacija i zaštite okoliša kao i Zavodu za urbanizam i prostorno uređenje Zeničko dobojskog kantona kojim će tražiti da se formira komisija koja bi u najkraćem roku dala stručnu ocjenu o realizaciji projekta „KRUŽNI TOK KRIVAJA ZAVIDOVIĆI“

Ovo pitanje postavljam poučen negativnim iskustvima koja sam u radu sa Gradonačelnikom i nadležnom službom, preciznije sa rukovodiocem službe za upravu geodetskih, imovinskopravnih poslova i urbanizma doživio u četverogodišnjem mandatu Vijeća.

Negativna iskustva ogledaju se u stalnim opstrukcijama u rješavanju nagomilanih problema u oblasti urbanizma od strane Gradonačelnika i njegovog pomoćnika.

U razgovoru koji sam prethodno obavio sa Ministrom za prostorno uređenje, promet i komunikacije i zaštitu okoliša kao i Direktorom Zavoda za urbanizam i prostorno uređenje Zeničko dobojskog kantona uvjerio sam se da ćemo za rješavanje ovog zahtjeva imati punu podršku. Pomenuta iskustva su toliko teška da ću bez obzira na odgovor uputiti Vijećničku inicijativu na istu temu Kružni tok Krivaja iako sam je već jednom uputio u sličnom tekstu.

Gradski vijećnik

Šemsudin Skejić

PREDMET: Odgovor na vijećničko pitanje br.1 i br.2, dostavlja se

U vezi vaših vijećničkih pitanja označenih sa br.1 i br.2 (zaprimljeni dana 26.08.2024. godine), koje ste postavili ovoj službi, dajemo sljedeće odgovore:

Odgovor na pitanje br. 1

Podneskom ove službe broj: 06-45-16/24-AP-19 od 05.07.2024. godine, u smislu člana 188. stav. 1. Zakona o prostornom uređenju i građenju („Službene novine ZDK” broj: 17/23) od Kantonalnog zavoda za urbanizam i prostorno uređenje Zenica zatraženo je davanje stručne "ocjene u realizaciji projekta "Kružni tok Krivaja?".

Po navedenom podnesku, Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024. godine (zaprimljen u službi dana 29.08.2024. godine) obavijestio istu službu da se može pristupiti realizaciji projekta "Kružni tok Krivaja", a da će Regulacioni plan ovog područja kada se steknu uslovi zbog izrade i donošenja Urbanističkog plana grada Zavidovići biti usklađen sa glavnim projektom "Kružni tok Krivaja" Zavidovići odnosno sa izvedenim stanjem.

Služba se takođe dopisom broj : 06-45-16/24-AP-24 od 12.7.2024. godine obratila i JP Ceste FBiH Sarajevo sa inicijativom za pokretanje postupka realizacije projekta "Kružni tok Krivaja" obzirom da se radi o magistralnoj cesti M-17.1. Dionica Zavidovići — Banovići. Po navedenom podnesku JP Ceste FBiH Sarajevo se još nije očitovalo.

Odgovor na pitanje br.2

Služba za upravu geodetskih, imovinsko pravnih poslova i urbanizma kao nosilac pripreme postupka u skladu sa članom 44. Zakona o prostornom uređenju i građenju („Službene novine ZDK" broj: 17/23) i izvršava svoje obaveze u pogledu pripreme i dostavljanja raspoložive dokumentacije koja je neophodna za izradu plana, a u toku su i aktivnosti na javnom oglašavanju o pristupanju izradi planskog dokumenta za sve zainteresovane strane za dostavljane prijedloga sugestija i dr.

S poštovanjem !

Po navedenom podnesku Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024. godine (zaprimljen u službi dana 29.08.2024. godine) obavijestio istu službu da se može pristupiti realizaciji projekta KRUŽNI TOK KRIVAJA, a da će Regulacioni plan ovog područja kada se steknu uslovi zbog izrade i donošenja URBANISTIČKOG PLANA GRADA ZAVIDOVIĆI biti u skladu sa glavnim projektom KRUŽNI TOK KRIVAJA odnosno sa izvedenim stanjem.

Obzirom da je od stvaranja uslova za realizaciju ovog projekta proteklo 10 mjeseci, a ja sam siguran da se ne radi ništa, pitam Gradonačelnicu da li zna za ove informacije. Da li zna da je Regulacioni plan Luke koji je bio preduslov za izradu Kružnog toka rađen od 2018. do 2024. godine ali pogrešno. Ako budemo čekali da se završi Urbanistički plan, onda ćemo se načekati kružnog toka. Dobili ste odobrenje da ne morate čekati usvajanje Urbanističkog plana ni Regulacionog plana Luke.

Uvažena Gradonačelnice dobronamjerno Vas upozoravam. Trebat će Vam najmanje još jedan mandat da biste sadašnjim tempom aktivnosti u oblasti urbanizma uradili Urbanistički plan, Regulacioni plan Luke i riješili Kružni tok. Primjer kružnog toka to potvrđuje. Aktivirajte svoje saradnike i demantujte me.

Unaprijed Vas obavještavam pripremajte odgovor na pitanje šta je od 06.08.2024. do 01.06.2025. godine urađeno po pitanju izrade Urbanističkog plana.

-PRILOG-

-PREDSJEDAVAJUĆA GRADSKOG VIJEĆA

-GRADONAČELNICA

-SLUŽBA ZA UPRAVU GEODETSKIH, IMOVINSKO-PRAVNIH POSLOVA I URBANIZAM

Predmet: Vijećničko pitanje

Na osnovu člana 87. i člana 116. Poslovnika o radu Gradskog vijeća (novi prečišćeni tekst) Sl.glasnik broj 7/2022 postavljam sljedeće vijećničko pitanje:

Da li nadležna služba provodi aktivnosti u cilju realizacije projekta Kružni tok Krivaja? Ukoliko je odgovor negativan, tražim obrazloženje zašto, a ako je odgovor pozitivan tražim da Gradskom vijeću podnesete izvještaj šta je do sada urađeno i kakvi su dalji planovi za realizaciju ovog za Grad vrlo bitnog projekta. GIPu

Obrazloženje:

Gradsko vijeće je u prethodnom sazivu na sjednici održanoj 31.07.2024. godine donijelo zaključak broj: 01-04-1518/24-AP-5 i na taj način uz pomoć Ministarstva za prostorno uređenje, promet i komunikacije i zaštitu okoliša omogućilo nesmetan nastavak aktivnosti oko realizacije kružnog toka Krivaja.

Poučen iskustvom da su u periodu 2021-2024. godine Gradonačelnik i nadležna služba (pomoćnik) opstruirali rješavanje nagomilanih problema u oblasti urbanizma Grada 26.08.2024. godine postavio sam vijećničko pitanje na temu Kružni tok Krivaja. Odgovor sam dobio ekspresno 30.08.2024. godine i pozitivno se iznenadio. Zašto?

Citirat ću upit nadležne službe upućen Zavodu za urbanizam i prostorno uređenje ZDK kao i odgovor zavoda. Kako upit tako i odgovor usko su vezani Zaključkom Gradskog vijeća broj: 01-04-1518/24-AP-5 od 31.07.2024.godine.

UPIT službe Zavodu za urbanizam:

Podneskom ove službe broj: 06-45-16/24-AP-19 od 05.07.2024.godine u smislu člana 188. stav 1. Zakona o prostornom uređenju i građenju („Službene novine ZDKE broj 17/23) od Kantonalnog zavoda za urbanizam i prostorno uređenje zatraženo je davanje stručne ocjene o realizaciji projekta KRUŽNI TOK KRIVAJA.

Navodim i odgovor Zavoda na upit:

GRAD ZAVIDOVIĆI

GRADSKO VIJEĆE ZAVIDOVIĆI

-Ovdje na osnovu člana 109. stav (5) Poslovnika o radu Gradskog vijeća Zavidovići — novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative - prijedloga vijećnika Šemsudina Skejića za raspravu o realizaciji infrastrukturnog projekta kružni tok Krivaja dostavljam:

PREDMET: Stav po inicijativi - prijedlogu vijećnika Šemsudina Skejića za raspravu o realizaciji infrastrukturnog projekta kružni tok Krivaja, dostavlja se

Inicijativu - prijedlog vijećnika Šemsudina Skejića za raspravu O realizaciji infrastrukturnog projekta kružni tok Krivaja treba prihvatiti.

Služba za upravu privrede, lokalnog razvoj, infrastrukturu i međunarodnu saradnju prihvata inicijativu — prijedlog za raspravu za realizaciju projekta kružni tok Krivaja, a neophodne informacije iz nadležnosti Službe za upravu privrede, lokalni razvoj, infrastrukturu i međunarodnu saradnju dostavljene su u okviru odgovora na vijećničko pitanje Šemsudina Skejića koje se odnose na istu problematiku.

S poštovanjem.“

Šemsudin Skejić

PREDMET: Vijećnička inicijativa br.3

„Na osnovu člana 8, člana 14. i člana 109. Poslovnika o radu Gradskog vijeća-pročišćen tekst (sl. glasnik grada Zavidovići br. 7/2022 i 1/23), podnosim vijećničku inicijativu za donošenje odluke na osnovu koje će mi nadležna Služba za upravu geodetskih, imovinsko-pravnih poslova i urbanizam dostaviti na uvid dokumentaciju vezanu za izdavanje odobrenja za građenje. GIPu

Zahtjev koji prilažem u prilogu ove inicijative preciznije definiše koju dokumentaciju treba dostaviti na uvid. Član 14. Poslovnika o radu Gradskog vijeća jasno definiše prava Gradskog vijećnika po predmetnoj problematici.

Član 14.

Vijećnik ima pravo uvida u informacioni i dokumentacioni materijal koji se izrađuje ili prikuplja u stručnoj službi Gradskog vijeća, gradskoj upravi i drugim posebnim službama i organima, a koji se odnosi na pitanja o kojima se raspravlja u Vijeću.

Stručna služba je obavezna da pruži stručnu i tehničku pomoć vijećnicima u obavljanju njihovih dužnosti.

Gradski vijećnik

Semsudin Skejić

25. juli, 2025. godine

- Stručna služba Gradskog vijeća
- Predsjedavajući Gradskog vijeća,
- Gradonačelnik,
- Služba za upravu geodetskih, imovinsko — pravnih poslova i urbanizma

PREDMET: Zahtjev za uvid u dokumentaciju, odnosno dostava dokumentacije

Na osnovu člana 14. Poslovnika o radu Gradskog vijeća Zavidovići (novi prečišćen tekst)

Sl. glasnika br. 17/2022, tražim od Službe za upravu geodetskih, imovinskopravnih poslova i urbanizma da mi na uvid dostave dokumentaciju vezanu za izdavanje odobrenja za građenje kao i prateću dokumentaciju na osnovu koje su donesena Rješenja za odobrenje građenja stambeno-poslovnih i stambenih objekata.

Da ne bude dileme šta treba da mi dostavite, preciziraću i navesti koja je to dokumentacija:

1. Odobrenja za građenje izdato u 2023., 2024. i 2025. godini na lokacijama u obuhvatu Urbanističkog plana. Nije potrebno dostaviti dokumentaciju za porodične stambene objekte u urbanim zonama 5(pet) i 6(šest).

2. Uz odobrenje za izgradnju tražim da mi na uvid dostavite sve dokumente koje su podnosioci priložili u zahtjevu za izdavanje građevinskih dozvola.

U nastavku preciziram koji su to dokumenti:

2.1. — Urbanistička saglasnost sa svim dokumentima koji su saslavni dio iste, a to su:

- a) granice pripadajućeg zemljišta — građevinske parcele kao i kopiju katastarskog plana sa naznakom korisnika predmetne i susjednih parcela,
- b) podatke o namjeni, položaju i oblikovanju građevine, odnosno zahvala u prostoru,
- c) izvod iz plana, odnosno iz stručne ocjene na osnovu kojih se utvrđuje urbanistička saglasnost,
- d) urbanističko-tehničke uslove,
- e) mišljenja sa podacima i saglasnostima nadležnih javnih preduzeća i drugih nadležnih subjekata,
- f) posebne uslove i obaveze u vezi sa zaštitom okoline,
- g) obaveze u pogledu ispitivanja inženjersko-geodetskih i geomehaničkih uslova,
- h) uslove u vezi sa zaštitom prava susjeda s obzirom na važeće urbane standarde,

i) uslove u vezi sa uređenjem građevinskog zemljišta,

2.2. Ostali dokumenti koje tražim na uvid:

- a) plan parcelizacije ako ga je nadležna služba izdala,
- b) dio glavnog arhitektonskog projekta i to:
 - osnova podruma,

- osnova prizemlja,
 - osnova etaža po spratovima,
 - osnova potkrovlja,
 - uzdužni presjek,
 - poprečni presjek.
- c) revizija projektne dokumentacije (glavnog projekta),
 d) obračun površina koji služi za određivanje naknade za uređenje građevinskog zemljišta,
 e) obračun naknade za uređenje građevinskog zemljišta i dokaz o uplati iste,
 f) obračun naknade za prirodnu pogodnost korištenja građevinskog zemljišta (renta) i dokaz o uplati iste,
 g) ostale dokumente koje je podnosilac priložio.

3. Razlozi za dostavu dokumentacije

Gradska uprava na čelu sa Gradonačelnicima u prethodnim mandatima, nadležne službe i nadležne inspekcije dovele su Grad u poziciju da više ne posjeduje prostorno – plansku dokumentaciju.

Ostao je sam Prostorni plan.

Aktivnosti Gradske uprave u posljednjih 10 mjeseci ne nagovještavaju značajnije promjene u oblasti urbanizma.

Prvi i najznačajniji ispit za potvrdu ili demant mog prethodnog navoda je Proces izrade i usvajanje Urbanističkog plana.

Uskoro ćemo dobiti odgovor na pitanje ima li značajnijih promjena u razvoju oblasti urbanizma ili će sve biti po starom, što znači: Rad bez prostorno-planske dokumentacije.

Sve ovo tražim u dobroj namjeri da ukažem na greške koje bi se i dalje mogle multiplicirati ako ne iskoristimo priliku da u što kraćem vremenu ne donesemo Urbanistički plan.

Dodamo li svemu tome i činjenicu da Grad nema Urbanističko-građevinskog inspektora niti arhitektu, shvatićemo težinu situacije u kojoj se nalazi Grad kada je u pitanju oblast urbanizma.

Član 14. Poslovnika o radu Gradskog vijeća, Sl. glasnik br.17/2022 nedvosmisleno potvrđuje pravo Gradskog vijeća na uvid u traženu dokumentaciju.“

Šemsudin Skejić

PREDMET: Vijećničko pitanje

„Na osnovu člana 87. i člana 166. Poslovnika o radu Gradskog vijeća (novi prečišćeni tekst, Sl. glasnik 7/2022) postavljam set vijećničkih pitanja koja se odnose na stanje realizacije projekta Vodovoda: Rasječenica - Brezik u MZ Brezik

PLIM

1. Da li je okončan, prije deset godina započeti, projekat Vodovoda Rasječenica - Brezik?

Ako nije, molim da navedete vrijednost preostalih radova.

2. Da li je kompletiran projekat sekundarne mreže (prva i druga linija) za koju smo neke informacije dobili iz Izvještaja o stanju vodosnabdijevanja na području Grada broj: 02-45-1584/25-AP-3 od 14.07.2025. godine?

3. Da li su projektom sekundarne mreže (prva i druga linija) predviđena mjesta priključka za svaki zaseok - naselje? U odgovoru navedite lokacije na kojima se u skladu sa projektom dokumentacijom trebaju priključiti svako od naselja koje će koristiti vodu iz Vodovoda Rasječenica.

4. Da li su neka od tih naselja već priključena na primarnu mrežu? Ako jesu, navedite da li su priključci izvedeni u skladu sa projektom dokumentacijom sekundarne mreže.

5. U pomenutom izvještaju od 14.07.2025. godine navedena je investiciona vrijednost 240.000,00 KM za prvu liniju 1.480.000,00 KM za drugu liniju. Da li to znači da je za

Vodovod Rasječenica neophodno još 720.000,00 KM ili će možda dio postojeće sekundarne mreže biti korišten u cilju smanjenja troškova projekta sekundarne mreže?

6. Da li Gradska uprava ima plan za nastavak i okončanje vodovoda Rasječenica ili je to prepušteno Mjesnoj zajednici ili zaseocima ponaosob?

7. Ostalo:

U ovom projektu za koji sam smatrao da je na samom kraju, ima toliko nejasnoća, kontradiktornosti i nelogičnosti da se nastavak ni ne nazire. Ne nazire se ni kontinuitet, a kamoli završetak.“

Amir Tursić

PREDMET: Vijećnička inicijativa br.1

„Na osnovu člana 109. Poslovnika o radu Gradskog vijeća Zavidovići, podnosim inicijativu za izradu projektne dokumentacije za uređenje Ulice Gazija, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Obrazloženje

Ulica Gazija, tj. centralna saobraćajnica koja se proteže tom ulicom, nalazi se u vrlo lošem stanju zbog i godinama unazad nije vršena ozbiljnija sanacija iste.

Izgradnjom potpornog zida na mezarju „Žigića“, za čiju je izradu glavnog projekta raspisan postupak javne nabavke, trebale bi se stvoriti pretpostavke na uređenje dijela ove ulice, što bi podrazumijevalo adekvatnu sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Kako bi se moglo pristupiti sanaciji i kako bi postojala mogućnost apliciranja za sredstva za tu namjenu, potrebno je prethodno izraditi projektну dokumentaciju za tu svrhu.

Iz navedenih razloga, podnosim inicijativu za izradu projektne dokumentacije za uređenje Ulice Gazija, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.“

Amir Tursić

PREDMET: Vijećnička inicijativa br.2

„Na osnovu člana 109. Poslovnika o radu Gradskog vijeća Zavidovići, podnosim inicijativu za izradu projektne dokumentacije za nastavak uređenja Ulice Voćarski put, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Obrazloženje

Ulica Voćarski put, vrlo je frekventna gradska ulica, tj. prilazna saobraćajnica ulicama koje se nastavljaju na istu - Ulica „4. manevarski bataljon“, Ulica „Oslobodilaca Vozuće“, Ulica „Patriotske lige“ i dalje Ulica „Oslobodilaca Kleka“. Nerijetko istom saobraćaju i mještani naselja Dragovac, tj. Ulice „Mehmeda Spahe“ i Ulice „Čazim Viković – Viko“.

U navedenoj Ulici, na određenim dijelovima, ne postoji potrebna širina za adekvatno mimoilaženje vozila, što je posljedica postojećih imovinskopravnih odnosa, ali i kanala koji se stvaraju slijevanjem oborinskih voda.

Rješavanje navedenih problema, zahtijeva sistemsko, svaobuhvatno djelovanje, koje nije moguće izvesti bez prethodno izrađene kvalitetne projektne dokumentacije, a koja bi ujedno bila i preduslov apliciranju za dodjelu sredstava za tu namjenu.

Iz navedenih razloga, podnosim inicijativu za izradu projektne dokumentacije za uređenje Ulice Voćarski put, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.“

Amir Tursić

PREDMET: Vijećnička inicijativa br.3

„Na osnovu člana 109. Poslovnika o radu Gradskog vijeća Zavidovići, podnosim inicijativu za izradu uspornika i saobraćajne signalizacije koja nalaže smanjenje brzine, u neposrednoj blizini dva podvožnjaka u naseljenom mjestu Alići, u Mjesnoj zajednici „Dolina-Alići“.

Obrazloženje

U Mjesnoj zajednici Dolina-Alići, putna komunikacija prožeta je podvožnjacima ispod željezničke pruge, a mjesta gdje se isti spajaju s glavnom saobraćajnicom u naseljenom mjestu Alići, karakteriše izrazito slaba preglednost, kako horizontalna, tako i vertikalna, usljed blizine spoja podvožnjaka sa glavnom saobraćajnicom i naglih denivelacija same glavne saobraćajnice na tim dijelovima.

Na navedenim mjestima ne postoji saobraćajna signalizacija koja nalaže neophodno smanjenje brzine, pa stoga većina vozača, naročito onih mlađih, saobraća brzinom koja nije prilagođena uslovima na cesti, ugrožavajući tako ostale učesnike u saobraćaju.

Uz to, sa suprotne strane glavne saobraćajnice u odnosu na podvožnjake, nalaze se i ulazi za stambene objekte, upravo na mjestima denivelacija, što uključuje vozila na tim ulazima čini iznimno opasnim. Ovaj problem posebno je izražen kod prvog podvožnjaka idući iz smijera Ulice Radnička prema Alićima, gdje se nalazi više tih ulaza, a gdje je i frekvencija saobraćaja najveća.

Sve navedeno ukazuje na neophodnost izrade uspornika (vibro trake ili grbine - prema procjeni stručnog lica) i saobraćajne signalizacije koja nalaže smanjenje brzine, u neposrednoj blizini podvožnjaka.“

Igor Šimšić

PREDMET: Vijećničko pitanje

„Postavit ću vijećničko pitanje koje se tiče potrebe informisanja Gradskog vijeća i javnosti o medijskim navodima i saznanjima o započetoj sječi šume i izgradnji pristupnih puteva preko državnog zemljišta radi geoloških istraživanja u cilju navodnog otvaranja rudnika kroma. Iako je riječ o katastarskom području i zemljištu u granicama Općine Vareš, direktan kontakt i poveznicu sa našim Gradom imamo preko sliva rijeke Krivaje. Svjedoci smo u posljednje vrijeme kakve posljedice rudnici ostavljaju u obližnjim mjestima, naročito po pitanju devastacije zemljišta, šuma i onečišćenja rijeka i vode. Od nadležnih zahtijevam informacije:

1. Da li su upoznati sa gore navedenim radnjama?
2. Da li imaju korespondenciju sa nadležnim iz Općine Vareš? Ako ne, da je hitno uspostave.
3. Da li se poduzimaju ili se planiraju poduzeti neke aktivnosti, kako bi se ova problematika aktualizirala i u konačnici riješila i onemogućila volja i namjera uništenja prirodnih resursa i bogatstva naše i šire društvene zajednice?“

Omer Ćosić

PREDMET: Vijećničko pitanje

„Imam jedno pitanje, tačnije molbu građana iz ulice „Pinkasa Bandta“, tačnije kod stepeništa nove zgrade koja je u fazi izgradnje. Tražim da se odgovori ko je odobrio uklanjanje dva stuba

ulične rasvjete na najadekvatnijim mjestima uz stepenište koje vodi prema zgradama prema novom naselju Predsjednik mjesne zajednice uputio je pisani dopis, ali do sada nije dobio nikakav adekvatan odgovor. Molio bih nadležne da u što kraćem roku vrate rasvjetu na isto adekvatno mjesto, kako se ne bi doveli u situaciju da Grad plaća oštetu zbog povreda građana, kojih je već bilo do sada.“

Amira Hadžić: „Ja više nemam prijavljenih pa ćemo preći na usmene odgovore ako ih ima? Nema. Preći ćemo na izjašnjavanje po odgovorima na vijećnička pitanja postavljena na 7. sjednici Gradskog vijeća Zavidovići. Pitam gospođu Jupić da li je zadovoljna sa odgovorima JKP „Radnik“ d.o.o., Policijske uprave, imate li dopunskih pitanja?“

Amra Jupić: „Nisam zadovoljna zaista, nemam dopunskih.“

Amira Hadžić: „Pitam gospodina Huskića, da li ste Vi zadovoljni odgovorom BH Telecoma, imate li dopunsko?“

Hasib Huskić: „Nisam zadovoljan, imam dopunsko pitanje“

DOPUNSKO: „Nije to baš toliko dopunsko koliko želim da se osvrnem na odgovor. Nisam ja tražio dakle, moj cilj je bio da samo se provjere navodi. U odgovoru mi stoji da ja sad idem istraživati s kojeg rejona se ne može dobiti ili se pogrešno dobija, što ja neću naravno raditi nije to moj posao, ima Telekom nek zaduži jednog radnika nek hoda po gradu nek zove. Toliko, hvala.“

Amira Hadžić: „Pitam gospodina Džindu da li ste zadovoljni odgovorima, imate li dopunskih?“

Asim Džindo: „Nisam ja dobio odgovore, odustao sam prošli put.“

Amira Hadžić: „Dobro, gospođa Jupić, i njoj su neki odgovori kasnili?“


Amra Jupić: „Jesu moguć samo kratko? Hvala. Dobila sam vrlo kasno odgovore, to je bila moja primjedba i na prošloj sjednici, 10 minuta pred sjednicu, smatram da kada dobijemo tako kasno to ne daje nama vijećnicima prostora da elaboriramo i da se očitujemo ... Od Komunalnog odustajem, ali želim da se zahvalim Federalnoj upravi policije na odgovorima, dopunskih bi moglo biti ali ću to formulirati i postaviti kao jedno konkretno pitanje na jednoj od narednih sjednica.“

Amira Hadžić: „Zahvaljujem. Gospođa Delić, i Vi ste imali problema sa kašnjenjem odgovora.“

Elvira Delić: „Nemam sada ništa.“

ZAPISNIK SAČINIO

Dženan Čatić, dipl.iur.



OVJERAVA SEKRETAR
GRADSKOG VIJEĆA
Samira Pirić, dipl. pravnik





BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Predsjedavajuća

Zavidovići, 25.7.2025.

VIJEĆNIČKO PITANJE

Na osnovu člana 8. i 87. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići postavljam sljedeće vijećničko pitanje i zahtijevam odgovor od MUP ZDK - PS Zavidovići odgovor u pisanoj formi.

Predmet: Stanje sigurnosti i narušavanja javne imovine u pothodniku između ulice Stjepana Radića i ulice Maršala Tita.

Poštovani,

Molim PS Zavidovići da dostavi sljedeće podatke:

1. Koliko je slučajeva narušavanja javne imovine zabilježeno u pothodniku koji povezuje ulicu Stjepana Radića i ulice Maršala Tita u periodu od 1. januara 2023. godine do 25.7.2025. godine?
2. Da li su počinioci u tim slučajevima identifikovani? Ako jesu:
 - o Koliko je lica identifikovano?
 - o Kojim su licima izrečene sankcije i koje vrste sankcija su primijenjene?
3. Ima li Policijska uprava prijedlog preventivnih mjera ili tehničkih rješenja za unapređenje sigurnosti i očuvanja javne imovine u ovom prostoru, sa posebnim fokusom na:
 - o sprečavanje grafitiranja i uništavanje zidova,
 - o lomljenja rasvjete i druge infrastrukture,
 - o općenito, smanjenje vandalizma u pothodniku?

S poštovanjem,

Vijećnik SDP BiH

Asim Džindo, ing.el.



GRADSKA ORGANIZACIJA SDP BiH ZAVIDOVIĆI

Sekretarijat: Adresa: dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: zavidic@bih.net.ba

www.sdp.ba
facebook.com/sdpbih
facebook.com/sdpbihzavidovici



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL. DR. PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Sanela Dendić
- vijećnica Stranke demokratske akcije
u Gradskom vijeću Zavidovići -
Ul. Alije Izetbegovića br. 17
ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim vijećničku inicijativu za modernizaciju i zamjenu neispravnih rasvjetnih tijela u ulici Alije Izetbegovića.

O b r a z l o ž e n j e

Podnosim inicijativu za hitnu zamjenu neispravnih i tehnološki zastarjelih rasvjetnih tijela u ulici Alije Izetbegovića, s posebnim naglaskom na njen gornji dio (dionica od "Semafora" do "Lamela"), gdje je više rasvjetnih tijela trenutno van funkcije, a njihov broj je već ograničen i nedostatan za sigurno i funkcionalno osvjetljenje javne površine.

Ulica Alije Izetbegovića predstavlja važan gradski pješački i saobraćajni pravac, s intenzivnim kretanjem građana i vozila. Neadekvatna i neispravna rasvjeta u večernjim satima direktno utiče na sigurnost učesnika u saobraćaju, povećava rizik od nezgoda i narušava opći ambijent centralne gradske zone.

Pored funkcionalnih problema, postojeća rasvjetna tijela u gornjem dijelu ulice nisu energetske efikasne, jer nisu zasnovana na LED tehnologiji. Savremeni LED sistemi omogućavaju veću energetske uštedu, duži vijek trajanja, manju potrebu za održavanjem te značajno kvalitetnije osvjetljenje.

Zavidovići, Juli 2025. godine

GRADSKA VIJEĆNICA

Sanela Dendić, dipl. ecc

Sanel Jalmanović
Gradski vijećnik (Snaga naroda)
Ul. Dobrovoljnih davalaca krvi

Datum: 25.07.2025.

Bosna i Hercegovina
Federacija BiH
Zeničko-dobojski kanton
Grad Zavidovići
n/r Predsjedavajuća GV Zavidovići

PREDMET: Inicijativa za asfaltiranje ulice Maršala Tita

Poštovani,

Na osnovu člana 109. Poslovnika o radu Gradskog vijeća Zavidovići, podnosim INICIJATIVU za asfaltiranje ulice Maršala Tita u Zavidovićima, u dužini od oko 200 metara, na potezu od Socijalnog prema željezničkoj stanici.

Obrazloženje

Ulica Maršala Tita predstavlja jednu od važnijih saobraćajnica u našem gradu, jer povezuje centralni dio grada sa željezničkom stanicom. Uprkos njenom značaju, dionica u dužini od cca 200 metara se već duže vrijeme nalazi u izrazito lošem stanju – sa brojnim oštećenjima, udarnim rupama i oštećenim kolovozom, naročito je to vidljivo sa pojavim većih količina kiše.


S obzirom da se ova dionica svakodnevno koristi od strane velikog broja građana, uključujući putnike koji koriste željeznicu, ali i stanovnike okolnih naselja, njeno asfaltiranje bi unaprijedilo infrastrukturu grada i poboljšalo opći izgled ove urbane zone.

Stoga predlažem da nadležne gradske službe uvrste ovu inicijativu u Plan kapitalnih investicija, te pristupe izradi tehničke dokumentacije i izvođenju potrebnih radova.

S poštovanjem,

Zavidovići, 25.07.2025.

Sanel Jalmanović, mr. pol



Sanel Jalmanović
Gradski vijećnik (Snaga naroda)
Ul. Dobrovoljnih davalaca krvi

Datum: 25.07.2025.

Bosna i Hercegovina
Federacija BiH
Zeničko-dobojski kanton
Grad Zavidovići
n/r Predsjedavajuća GV Zavidovići

PREDMET: Vijećničko pitanje, dostavlja se

Na osnovu člana 8 i 87 Poslovnika o radu Gradskog vijeća Zavidovići, kao vijećnik Gradskog vijeća za današnju sjednicu postavljam postavljam vijećničko pitanje:

S obzirom na predstojeću sezonu grijanja, postavljam pitanje u ime zabrinutih sugrađana:

Da li će građani Zavidovića imati osiguranu i adekvatnu isporuku toplotne energije u narednoj grejnoj sezoni?

Smatram da ukoliko postoje bilo kakve tehničke ili organizacione prepreke koje bi mogle dovesti u pitanje pravovremenu i kvalitetnu isporuku grijanja, neophodno je da se o tome blagovremeno obavijeste građani kako bi imali mogućnost da se na vrijeme organizuju i pronađu alternativna rješenja.

Također, podsjećam vas da je Gradsko vijeće 08. aprila tekuće godine održalo tematsku sjednicu na temu stanja u JKP „Radnik“ Zavidovići, tokom koje su usvojeni određeni zaključci i preporuke za poboljšanje rada preduzeća.

Šta je konkretno urađeno po pitanju realizacije tih zaključaka?

Koje mjere su preduzete, koje preporuke su implementirane, i kakvi su trenutni kapaciteti JKP „Radnik“ u pogledu isporuke toplotne energije za sezonu 2025/2026?

Molim za pismeni i usmeni odgovor.

S poštovanjem,

Zavidovići, 25.07.2025.

Sanel Jalmanović, mr. pol





STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Telefon +387 32 378 970 e-mail: sda@zavidovici.ba

Mirela Bašić
- vijećnica Stranke demokratske akcije
u Gradskom vijeću Zavidovići -
Ul. Kulina bana br. 6
72220 ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za sufinansiranje dijela troškova izgradnje planinarskog doma.

O b r a z l o ž e n j e

Planinarsko društvo iz našeg grada, svojim predanim radom i isključivo volonterskim angažmanom, trenutno gradi planinarski dom. U vremenu kada su ovakve inicijative rijetkost, ovi ljudi svojim nesebičnim djelovanjem pokazuju koliko im je stalo do našeg Grada i njegovog potencijala.

Planinarska društva imaju važnu ulogu u razvoju turizma, promociji zdravih stilova života, edukaciji mladih i očuvanju prirodnog okruženja. Grad Zavidovići ima izuzetne prirodne resurse, ali oni mogu postati istinska vrijednost samo ako ih znamo čuvati, razvijati i ponuditi posjetiocima na pravi način – a upravo to rade naši planinari.

Međutim, kako bi mogli završiti krov prije zime i zaštititi postojeće radove, potrebno je dodatno finansiranje za nabavku materijala.

Stoga ovom inicijativom predlažem da Grad Zavidovići izdvoji sredstva u skladu s priloženim predračunom koji su mi članovi društva dostavili, a sve s ciljem podrške njihovom nesebičnom radu i daljoj realizaciji ovog projekta koji ima dugoročan značaj za razvoj turizma i očuvanje prirode.

PRILOG: Predračun broj: 11-07/2025 od 11.07.2025. godine.

Zavidovići, Juli 2025. godine

VIJEĆNICA U GRADSKOM VIJEĆU

Mirela Bašić

PLANINARSKO DRUŠTVO "TAJAN 1929" ZAVIDOVIĆI
PRVOMAJSKA BROJ 1A 72 220 ZAVIDOVIĆI PIB:
4219087460009

Mjesto izdavanja: Žepče

Datum izdavanja: 11.07.2025.

PONUDA 11-07/2025

Red. br.	Naziv robe ili usluge	Jed. mjere	Količina		CIJENA	VRIJEDNOST
1	Isporuka i montaža Trapeznog lima.	m2	180,00		20,00	3.600,00
2	Isporuka i montaža vjetar lajsni.	m1	40,00		16,00	640,00
3	Isporuka i montaža koruge.	m1	22,00		15,00	330,00
4	Isporuka i montaža oluka i slivnika sa svim potrebnim spojnim materijalom.	m1	32,00		17,00	544,00
8	Isporuka i montaža uvodnog lima u oluk.	m1	22,00		12,00	264,00
9	Isporuka i montaža opšivke i obloge odžaka u kompletu. Obračun po m1.	m1	1,00		200,00	200,00
10						0,00
UKUPNA VRIJEDNOST (KM)						5.578,00





STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax + 387 32 878 970 e-mail: sdazav@bih.net.ba

Amir Tursić
- vijećnik Stranke demokratske akcije
u Gradskom vijeću Zavidovići -
Ul. Gazi Husrev-begova b.b.
ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za izradu projektne dokumentacije za uređenje Ulice Gazija, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

O b r a z l o ž e n j e

Ulica Gazija, tj. centralna saobraćajnica koja se proteže tom ulicom, nalazi se u vrlo lošem stanju zbog i godinama unazad nije vršena ozbiljnija sanacija iste.

Izgradnjom potpornog zida na mezarju „Žigica“, za čiju je izradu glavnog projekta raspisan postupak javne nabavke, trebale bi se stvoriti pretpostavke na uređenje dijela ove ulice, što bi podrazumijevalo adekvatnu sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Kako bi se moglo pristupiti sanaciji i kako bi postojala mogućnost apliciranja za sredstva za tu namjenu, potrebno je prethodno izraditi projektnu dokumentaciju za tu svrhu.

Iz navedenih razloga, podnosim inicijativu za izradu projektne dokumentacije za uređenje Ulice Gazija, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Zavidovići, Juli 2025. godine

GRADSKI VIJEĆNIK

Amir Tursić
Amir Tursić, dipl. pravnik



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Amir Tursić
- vijećnik Stranke demokratske akcije
u Gradskom vijeću Zavidovići -
Ul. Gazi Husrev-begova b.b.
ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za izradu projektne dokumentacije za nastavak uređenja Ulice Voćarski put, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

O b r a z l o ž e n j e

Ulica Voćarski put, vrlo je frekventna gradska ulica, tj. prilazna saobraćajnica ulicama koje se nastavljaju na istu – Ulica 4. manevarski bataljon, Ulica Oslobođilaca Vozuće, Ulica Patriotske lige i dalje Ulica Oslobođilaca Kleka. Nerijetko istom saobraćaju i mještani naselja Dragovac, tj. Ulice Mehmeda Spahe i Ulice Čazim Viković – Viko.


U navedenoj Ulici, na određenim dijelovima, ne postoji potrebna širina za adekvatno mimoilaženje vozila, što je posljedica postojećih imovinsko-pravnih odnosa, ali i kanala koji se stvaraju slijevanjem oborinskih voda.

Rješavanje navedenih problema, zahtijeva sistemsko, svaobuhvatno djelovanje, koje nije moguće izvesti bez prethodno izrađene kvalitetne projektne dokumentacije, a koja bi ujedno bila i preduslov apliciranju za dodjelu sredstava za tu namjenu.

Iz navedenih razloga, podnosim inicijativu za izradu projektne dokumentacije za uređenje Ulice Voćarski put, koje bi podrazumijevalo sanaciju kolovozne trake, izradu proširenja na mjestima za mimoilaženje vozila, uređenje trotoara gdje postoji mogućnost za to, te rješavanje odvodnje oborinskih voda.

Zavidovići, Juli 2025. godine

GRADSKI VIJEĆNIK


Amir Tursić, dipl. pravnik



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax + 387 32 878 970 e-mail: sdazav@bih.net.ba

Amir Tursić
- vijećnik Stranke demokratske akcije
u Gradskom vijeću Zavidovići -
Ul. Gazi Husrev-begova b.b.
ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za izradu uspornika i saobraćajne signalizacije koja nalaže smanjenje brzine, u neposrednoj blizini dva podvožnjaka u naseljenom mjestu Alići, u Mjesnoj zajednici Dolina Alići.

O b r a z l o ž e n j e

U Mjesnoj zajednici Dolina Alići, putna komunikacija prožeta je podvožnjacima ispod željezničke pruge, a mjesta gdje se isti spajaju s glavnom saobraćajnicom u naseljenom mjestu Alići, karakteriše izrazito slaba preglednost, kako horizontalna, tako i vertikalna, usljed blizine spoja podvožnjaka sa glavnom saobraćajnicom i naglih denivelacija same glavne saobraćajnice na tim dijelovima.

Na navedenim mjestima ne postoji saobraćajna signalizacija koja nalaže neophodno smanjenje brzine, pa stoga većina vozača, naročito onih mlađih, saobraća brzinom koja nije prilagođena uslovima na cesti, ugrožavajući tako ostale učesnike u saobraćaju.


Uz to, sa suprotne strane glavne saobraćajnice u odnosu na podvožnjake, nalaze se i ulazi za stambene objekte, upravo na mjestima denivelacija, što uključuje vozila na tim ulazima čini iznimno opasnim. Ovaj problem posebno je izražen kod prvog podvožnjaka idući iz smjera Ulice Radnička prema Alićima, gdje se nalazi više tih ulaza, a gdje je i frekvencija saobraćaja najveća.

Sve navedeno ukazuje na neophodnost izrade uspornika (vibro trake ili grbine – prema procjeni stručnog lica) i saobraćajne signalizacije koja nalaže smanjenje brzine, u neposrednoj blizini podvožnjaka.

Zavidovići, Juli 2025. godine

GRADSKI VIJEĆNIK

Amir Tursić, dipl. pravnik




Gradski vijećnik
Šemsudin Skejić
11.07.2025

-STRUČNA SLUŽBA GRADSKOG VIJEĆA
-PREDSJEDAVAJUĆA GRADSKOG VIJEĆA

PREDMET: Vijećnička inicijativa

Na osnovu člana 8. stav 1. alineja 3 i člana 109. stav 2. Poslovnika o radu Gradskog vijeća-prečišćeni tekst(Službeni glasnik Grada Zavidovići broj 7/2022 i 1/23) podnosim Vijećničku inicijativu za dostavu informacije o stanju realizacije izrade Urbanističkog Plana Grada Zavidovići te razmatranja iste na jednoj od narednih sjednica.

Šemsudin Skejić


OBRAZLOŽENJE

1. Ukratko o Urbanističkom planu Grada Zavidovići

- Posljednji Urbanistički plan koji je Općina Zavidovići usvojila je UP iz 1989. godine.
- Isti je formalno istekao 2009. godine jer se Urbanistički planovi rade na period od 20 godina a zvanično je stavljen van snage u januaru 2022. godine.
- Van upotrebe je i svih 7 regulacionih planova Grada Zavidovići.
- U martu 2024. godine donešena je odluka o izradi i donošenju novog Urbanističkog plana Grada Zavidovići za period 2025-2045. godine.
- 09.08.2024. godine potpisan je protokol između Grada Zavidovići i Zavoda za Urbanizam i prostorno uređenje ZE-DO kantona čime su stvoreni uslovi za izradu i donošenje urbanističkog plana Grada Zavidovići.
- Odlukom o izradi UP kao i potpisanim protokolom definisane su obaveze nosioca pripreme koje proizilaze iz člana 44. Zakona o prostornom uređenju i građenju ZE-DO kantona, prema kojem je nosilac pripreme (Grad Zavidovići) dužan nosiocu izrade UP (Zavod za urbanizam i prostorno uređenje) dostaviti potrebnu dokumentaciju.
- Protokol je definisao početak izrade UP u januaru 2025. godine sa rokom izrade 18 mjeseci.
- to je podrazumijevalo da nosioc pripreme (Grad Zavidovići) potrebnu dokumentaciju Zavodu dostavi do kraja 2024. godine.

2. Procjena stanja realizacije izrade UP

- Šta je do sada (15 mjeseci od usvajanja odluke o izradi i usvajanju UP Grada Zavidovići) uradio NOSILAC PRIPREME?
- Šta je dobio i šta je do sada uradio Nosilac izrade UP?
- Kakva je procjena roka za usvajanje UP Grada Zavidovići?

Ovo su samo neka pitanja na koja treba dati odgovor informacija o stanju realizacije UP Grada Zavidovići koja je predmet moje inicijative i koja treba da bude predmet rasprave na jednoj od narednih sjednica Gradskog vijeća.

3. Procjena dosadašnjih aktivnosti i procjena roka usvajanja UP.

- Nakon upornog insistiranja na rješavanju problema Urbanizma Grada Zavidovići, nakon traženja informacija od Gradonačelnika i nadležnih gradskih službi, Zavod za urbanizam i prostorno uređenje ZE-DO kantona, Ministarstva za promet i komunikacije ZE-DO kantona, nadležnih inspekcija u kantonu, Skupštine kantona, sa visokim stepenom odgovornosti obavještavam Vas uvaženi vijećnici da se moja procjena o ovoj problematici svodi na sljedeće:
 - a) Do danas je prošlo 15 mjeseci od usvajanja odluke o izradi i donošenju UP Grada Zavidovići i gotovo 12 mjeseci od potpisivanja protokola o izradi istog ali ipak nije urađeno ni 1% ukupnog posla.
 - b) Radeći ovim tempom Grad Zavidovići neće dobiti UP ni za dva mandata. Do kraja tekućeg mandata Gradsko vijeće i Gradonačelnica sigurno ga neće dobiti. Zbog toga tražim da se pripremi i uputi na raspravu Informacija o do sada urađenom poslu kao i plan aktivnosti koji će omogućiti donošenje UP Grada Zavidovići u planiranom roku.

Tražim da se rasprava obavi najdalje do oktobra 2025 godine a da se svakih narednih 6 mjeseci Gradskom vijeću dostavlja informacija o realizaciji (oktobar 2025, april 2026 i oktobar 2026 ili po potrebi ukoliko bude neophodno).

Za realizaciju ove inicijative nisu potrebna finansijska sredstva.

Šemsudin Skejić


Gradski vijećnik
Šemsudin Skejić
Juli 2025. godine

-STRUČNA SLUŽBA GRADSKOG VIJEĆA
-PREDSJEDAVAJUĆA GRADSKOG VIJEĆA

Predmet: Vijećnička inicijativa

Na osnovu člana 8. stav 1. alineja 3. i člana 109. stav 2. Poslovnika o radu Gradskog vijeća - prečišćeni tekst (Službeni glasnik Grada Zavidovići broj 7/2022 i 1/23) podnosim Vijećničku inicijativu za izradu informacije o stanju realizacije infrastrukturnog projekta KRUŽNI TOK „KRIVAJA“ kao i razmatranje informacije na jednoj od narednih sjednica Gradskog vijeća.

Šemsudin Skejić


1. Realizacija projekta KRUŽNI TOK KRIVAJA

Projekat KRUŽNI TOK KRIVAJA važan je infrastrukturni projekat za Grad Zavidovići. U proteklih 8 godina predmet je političkih nadmudrivanja, a to je posebno izraženo u izbornim godinama. Nesumnjivo je da će tako biti i sljedeće 2026. (izborne) godine.

Realizacija ovog projekta nije pokrenuta isključivo zbog nerada Gradske uprave u prethodna dva mandata. Nerad ili nemoć, a najvjerovatnije i jedno i drugo bili su glavni razlozi što gužve na ušću Krivaje u Bosnu sve više izluđuju kako vozače tako i pješake. Posebno je to izraženo neposredno prije i nakon radnog vremena. Da ne pominjem juli i august kada je broj učesnika u saobraćaju povećan zbog dolaska naše „dijaspore“. Najveća greška koju su napravili prethodni Gradonačelnik i služba nadležna za urbanizam bila je ukidanje prostorno planske dokumentacije i apsolutno pasivan odnos u izradi novog Urbanističkog plana.

Značajan pomak ka realizaciji ovog projekta kao i izrade i donošenja Urbanističkog plana napravilo je Gradsko vijeće u prošlom sazivu na svojoj posljednjoj sjednici 31.07.2024. godine. Na toj sjednici, a zahvaljujući pomoći Ministarstva prostornog uređenja ZE DO kantona omogućen je nastavak aktivnosti realizacije ovog projekta.

U prilogu ovog zahtjeva dostavljam dio dokumenata iz kojih se jasno vidi da nema zapreka za Projekat kružni tok. To nedvosmisleno potvrđuje dopis broj: 12-1-19-12437 od 26.08.2024. godine (zaprimljen u Službi 29.08.2024. godine) kojim je Kantonalni zavod za urbanizam i prostorno uređenje obavijestio Službu za upravu geodetskih, imovinsko-pravnih poslova i urbanizam Grada Zavidovići da MOŽE pristupiti realizaciji projekta KRUŽNI TOK KRIVAJA.

Tražim da Gradonačelnica putem nadležne službe pripremi odgovarajući radni materijal, odnosno sve relevantne informacije neophodne za razmatranje navedene problematike. Podsjećam na konstataciju Kolegija Gradskog vijeća u kojoj se navodi da se o ovoj temi može raspravljati u tački koja je u programu rada predviđena pod rednim brojem 22. Izvještaj o realizaciji regulacionih planova (januar-april).

Kako se to nije desilo zahtijevam da obezbijedite raspravu na ovu temu i to najdalje na oktobarskoj sjednici Gradskog vijeća.

Šemsudin Skejić
Šemsudin Skejić

Gradski vijećnik
Šemsudin Skejić
August 2024.godine

26-08-2024

-PREDSJEDAVAJUĆI GRADSKOG VIJEĆA
-GRADONAČELNIK
-SLUŽBA ZA UPRAVU GEODETSKIH, IMOVINSKO-PRAVNIH POSLOVA I
URBANIZMA

Predmet: Vijećničko pitanje br.1

Na osnovu člana 87. i člana 166. Poslovnika o radu Gradskog vijeća (novi prečišćeni tekst) Sl.Glasnik br. 7/2022 postavljam sljedeće vijećničko pitanje:

Da li je Gradonačelnik putem Službe za upravu geodetskih, imovinsko-pravnih poslova i urbanizma uputio zahtjev za realizaciju i definisanje preduslova u urbanističkoj saglasnosti na temelju stručne ocjene za projekat „KRUŽNI TOK KRIVAJA“? Stručna ocjena se traži na osnovu člana 188. Zakona o prostornom uređenju i građenju Sl.novine ZE-DO kantona br.17 od 17.11.2023.godine.

Ako to nije urađeno, kada će biti?

Obrazloženje

Na sjednici Gradskog vijeća održanoj 31.07.2024.godine donesen je sljedeći Zaključak br. 01-04-1518/24-AP-5 u kojem pod rednim brojem 6. stoji:

6. Zadužuje se Gradonačelnik sa Službom za upravu geodetskih , imovinsko pravnih poslova i urbanizma da ODMAH podnese zahtjev Ministarstvu prostornog uređenja, prometa i komunikacija i zaštite okoliša kao i Zavodu za urbanizam i prostorno uređenje Zeničko dobojskog kantona kojim će tražiti da se formira komisija koja bi u najkraćem roku dala stručnu ocjenu o realizaciji projekta „KRUŽNI TOK KRIVAJA ZAVIDOVIĆI“

Ovo pitanje postavljam poučen negativnim iskustvima koja sam u radu sa Gradonačelnikom i nadležnom službom, preciznije sa rukovodiocem službe za upravu geodetskih, imovinsko-pravnih poslova i urbanizma doživio u četverogodišnjem mandatu Vijeća.

Negativna iskustva ogledaju se u stalnim opstrukcijama u rješavanju nagomilanih problema u oblasti urbanizma od strane Gradonačelnika i njegovog pomoćnika.

U razgovoru koji sam prethodno obavio sa Ministrom za prostorno uređenje, promet i komunikacije i zaštitu okoliša kao i Direktorom Zavoda za urbanizam i prostorno uređenje Zeničko dobojskog kantona uvjerio sam se da ćemo za rješavanje ovog zahtjeva imati punu podršku. Pomenuta iskustva su toliko teška da ću bez obzira na odgovor uputiti i Vijećničku inicijativu na istu temu Kružni tok Krivaja iako sam je već jednom uputio u sličnom tekstu.

Gradski vijećnik
Skejić Šemsudin

Zdrav, 26.08.2024. god.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu geodetskih, imovinsko-
pravnih poslova i urbanizma
Broj: 06-45-16/24-AP-31
Datum: 30.8.2024. godine

Gradski vijećnik
Šemsudin Skejić

PREDMET: Odgovor na vijećničko pitanje br.1 i br.2, dostavlja se

U vezi vaših vijećničkih pitanja označenih sa br.1 i br.2 (zaprimljeni dana 26.08.2024. godine), koje ste postavili ovoj službi, dajemo sljedeće odgovore:

Odgovor na pitanje br. 1

Podneskom ove službe broj: 06-45-16/24-AP-19 od 05.07.2024. godine, u smislu člana 188. stav. 1. Zakona o prostornom uređenju i građenju („Službene novine ZDK” broj: 17/23) od Kantonalnog zavoda za urbanizam i prostorno uređenje Zenica zatraženo je davanje stručne ocjene u realizaciji projekta “Kružni tok Krivaja”.

Po navedenom podnesku, Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024. godine (zaprimljen u službi dana 29.08.2024. godine) obavijestio istu službu da se može pristupiti realizaciji projekta “Kružni tok Krivaja”, a da će Regulacioni plan ovog područja kada se steknu uslovi zbog izrade i donošenja Urbanističkog plana grada Zavidovići biti usklađen sa glavnim projektom “Kružni tok Krivaja” Zavidovići odnosno sa izvedenim stanjem.

Služba se takođe dopisom broj : 06-45-16/24-AP-24 od 12.7.2024. godine obratila i JP Ceste FBiH Sarajevo sa inicijativom za pokretanje postupka realizacije projekta “Kružni tok Krivaja” obzirom da se radi o magistralnoj cesti M-17.1. Dionica Zavidovići – Banovići.

Po navedenom podnesku JP Ceste FBiH Sarajevo se još nije očitovalo.

Odgovor na pitanje br.2

Služba za upravu geodetskih, imovinsko pravnih poslova i urbanizma kao nosilac pripreme postupa u skladu sa članom 44. Zakona o prostornom uređenju i građenju („Službene novine ZDK” broj: 17/23) i izvršava svoje obaveze u pogledu pripreme i dostavljanja raspoložive dokumentacije koja je neophodna za izradu plana, a u toku su i aktivnosti na javnom oglašavanju o pristupanju izradi planskog dokumenta za sve zainteresovana strane za dostavljane prijedloga sugestija i dr.

S poštovanjem !



POMOĆNIK GRADONAČELNIKA

Remzo Sinanović, dipl.pravnik

Po navedenom podnesku Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024.godine (zaprimljen u službi dana 29.08.2024.godine) obavijestio istu službu da se može pristupiti realizaciji projekta KRUŽNI TOK KRIVAJA, a da će Regulacioni plan ovog područja kada se steknu uslovi zbog izrade i donošenja URBANISTIČKOG PLANA GRADA ZAVIDOVIĆI biti u skladu sa glavnim projektom KRUŽNI TOK KRIVAJA odnosno sa izvedenim stanjem.

Obzirom da je od stvaranja uslova za realizaciju ovog projekta proteklo 10 mjeseci, a ja sam siguran da se ne radi ništa, pitam Gradonačelnicu da li zna za ove informacije. Da li zna da je Regulacioni plan Luke koji je bio preduslov za izradu Kružnog toka rađen od 2018. do 2024. godine ali pogrešno. Ako budemo čekali da se završi Urbanistički plan, onda ćemo se načekati kružnog toka. Dobili ste odobrenje da ne morate čekati usvajanje Urbanističkog plana ni Regulacionog plana Luke.

Uvažena Gradonačelnice dobronamjerno Vas upozoravam. Trebat će Vam najmanje još jedan mandat da biste sadašnjim tempom aktivnosti u oblasti urbanizma uradili Urbanistički plan, Regulacioni plan Luke i riješili Kružni tok. Primjer kružnog toka to potvrđuje. Aktivirajte svoje saradnike i demantujte me.

Unaprijed Vas obavještavam pripremajte odgovor na pitanje šta je od 06.08.2024. do 01.06.2025.godine urađeno po pitanju izrade Urbanističkog plana.

Štefco Sudin Štefco

30.04.2025.godine

Gradski vijećnik
Šemsudin Skejić
April 2025.godine

-PREDSJEDAVAJUĆA GRADSKOG VIJEĆA
-GRADONAČELNICA
-SLUŽBA ZA UPRAVU GEODETSKIH, IMOVINSKO-PRAVNIH POSLOVA I
URBANIZAM

Predmet: Vijećničko pitanje

Na osnovu člana 87. i člana 116. Poslovnika o radu Gradskog vijeća (novi prečišćeni tekst) Sl.glasnik broj 7/2022 postavljam sljedeće vijećničko pitanje:
Da li nadležna služba provodi aktivnosti u cilju realizacije projekta Kružni tok Krivaja?
Ukoliko je odgovor negativan, tražim obrazloženje zašto, a ako je odgovor pozitivan tražim da Gradskom vijeću podnesete izvještaj šta je do sada urađeno i kakvi su dalji planovi za realizaciju ovog za Grad vrlo bitnog projekta.

Obrazloženje

Gradsko vijeće je u prethodnom sazivu na sjednici održanoj 31.07.2024. godine donijelo zaključak broj: 01-04-1518/24-AP-5 i na taj način uz pomoć Ministarstva za prostorno uređenje, promet i komunikacije i zaštitu okoliša omogućilo nesmetan nastavak aktivnosti oko realizacije kružnog toka Krivaja.

Poučen iskustvom da su u periodu 2021-2024. godine Gradonačelnik i nadležna služba (pomoćnik) opstruirali rješavanje nagomilanih problema u oblasti urbanizma Grada 26.08.2024. godine postavio sam vijećničko pitanje na temu Kružni tok Krivaja. Odgovor sam dobio ekspresno 30.08.2024. godine i pozitivno se iznenadio. Zašto?

Citirat ću upit nadležne službe upućen Zavodu za urbanizam i prostorno uređenje ZDK kao i odgovor zavoda. Kako upit tako i odgovor usko su vezani Zaključkom Gradskog vijeća broj: 01-04-1518/24-AP-5 od 31.07.2024.godine.

UPIT službe Zavodu za urbanizam:

Podneskom ove službe broj: 06-45-16/24-AP-19 od 05.07.2024.godine u smislu člana 188. stav 1. Zakona o prostornom uređenju i građenju („Službene novine ZDK“ broj 17/23) od Kantonalnog zavoda za urbanizam i prostorno uređenje zatraženo je davanje stručne ocjene o realizaciji projekta KRUŽNI TOK KRIVAJA.

Navodim i odgovor Zavoda na upit:



Broj: 02-04-1162/25-AP-22
Datum: 28.05.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative - prijedloga vijećnika Šemsudina Skejića za raspravu o realizaciji infrastrukturnog projekta kružni tok Krivaja dostavljam:

PREDMET: Stav po inicijativi - prijedlogu vijećnika Šemsudina Skejića za raspravu o realizaciji infrastrukturnog projekta kružni tok Krivaja, dostavlja se

Inicijativu - prijedlog vijećnika Šemsudina Skejića za raspravu o realizaciji infrastrukturnog projekta kružni tok Krivaja treba prihvatiti.

Služba za upravu privrede, lokalnog razvoj, infrastrukturu i međunarodnu saradnju prihvata inicijativu – prijedlog za raspravu za realizaciju projekta kružni tok Krivaja, a neophodne informacije iz nadležnosti Službe za upravu privrede, lokalni razvoj, infrastrukturu i međunarodnu saradnju dostavljene su u okviru odgovora na vijećničko pitanje Šemsudina Skejića koje se odnose na istu problematiku.

S poštovanjem

Dostavljeno:

1. Naslovu,
2. U spis.

Akt pripremio:

(Dženan Starčević)

Akt pregledao:

(Almir Mustafić)

Akt pregledala:

(Džeraldina Miličević)

Akt pregledao:

(Nermin Čahtarević)

GRADONAČELNICA

mr. Erna Merdić Smailhodžić



Gradski vijećnik
Šemsudin Skejić
juli, 2025.godine

- STRUČNA SLUŽBA GRADSKOG VIJEĆA
- PRESJEDAVAJUĆI GRADSKOG VIJEĆA

PREDMET: VIJEĆNIČKA INICIJATIVA

Na osnovu člana 8, člana 14. i člana 109. Poslovnika o radu Gradskog vijeća-pročišćen tekst (sl. glasnik grada Zavidovići br. 7/2022 i 1/23), podnosim vijećničku inicijativu za donošenje odluke na osnovu koje će mi nadležna Služba za upravu geodetskih , imovinsko-pravnih poslova i urbanizam dostaviti na uvid dokumentaciju vezanu za izdavanje odobrenja za građenje.

Zahtjev koji prilažem u prilogu ove inicijative preciznije definiše koju dokumentaciju treba dostaviti na uvid. Član 14. Poslovnika o radu Gradskog vijeća jasno definiše prava Gradskog vijećnika po predmetnoj problematici.

Član 14.

Vijećnik ima pravo uvida u informacioni i dokumentacioni materijal koji se izrađuje ili prikuplja u stručnoj službi Gradskog vijeća, gradskoj upravi i drugim posebnim službama i organima , a koji se odnosi na pitanja o kojima se raspravlja u Vijeću.

Stručna služba je obavezna da pruži stručnu i tehničku pomoć vijećnicima u obavljanju njihovih dužnosti.

Gradski vijećnik
Šemsudin Skejić
25. juli, 2025. godine

- Stručna služba Gradskog vijeća
- Predsjedavajući Gradskog vijeća,
- Gradonačelnik,
- Služba za upravu geodetskih ,
imovinsko – pravnih poslova i
urbanizma

PREDMET: Zahtjev za uvid u dokumentaciju, odnosno dostava dokumentacije

Na osnovu člana 14. poslovnika o radu gradskog vijeća Zavidovići (novi prečišćen tekst) sl. glasnika br. 17/2022, tražim od službe za upravu geodetskih , imovinsko – pravnih poslova i urbanizma da mi na uvid dostave dokumentaciju vezanu za izdavanje odobrenja za građenje kao i prateću dokumentaciju na osnovu koje su donesena rješenja za odobrenje građenja stambeno-poslovnih i stambenih objekata.

Da ne bude dileme šta treba da mi dostavite, preciziraću i navesti koja je to dokumentacija:

1. Odobrenja za građenje izdato u 2023., 2024. i 2025. godini na lokacijama u obuhvatu Urbanističkog plana.

Nije potrebno dostaviti dokumentaciju za porodične stambene objekte u urbanim zonama 5(pet) i 6(šest).

2. Uz odobrenje za izgradnju tražim da mi na uvid dostavite sve dokumente koje su podnosioci priložili u zahtjevu za izdavanje građevinskih dozvola.

U nastavku preciziram koji su to dokumenti:

- 2.1. Urbanistička saglasnost sa svim dokumentima koji su sastavni dio iste ,
a to su:

- a/ granice pripadajućeg zemljišta – građevinske parcele kao i kopiju katastarskog plana sa naznakom korisnika predmetne i susjednih parcela,
- b/ podatke o namjeni, položaju i oblikovanju građevine, odnosno zahvata u prostoru,
- c/ izvod iz plana , odnosno iz stručne ocjene na osnovu kojih se utvrđuje urbanistička saglasnost,

- d/ urbanističko-tehničke uslove,
- e/ mišljenja sa podacima i saglasnostima nadležnih javnih preduzeća i drugih nadležnih subjekata,
- f/ posebne uslove i obaveze u vezi sa zaštitom okoline,
- g/ obaveze u pogledu ispitivanja inženjersko-geodetskih i geomehaničkih uslova,
- h/ uslove u vezi sa zaštitom prava susjeda s obzirom na važeće urbane standarde,
- i/ uslove u vezi sa uređenjem građevinskog zemljišta,

2.2 Ostali dokumenti koje tražim na uvid:

- a/ plan parcelizacije ako ga je nadležna služba izdala,
- b/ dio glavnog arhitektonskog projekta i to:
 - osnova podruma,
 - osnova prizemlja,
 - osnova etaža po spratovima,
 - osnova potkrovlja,
 - uzdužni presjek,
 - poprečni presjek.
- c/ revizija projektne dokumentacije (glavnog projekta),
- d/ obračun površina koji služi za određivanje naknade za uređenje građevinskog zemljišta,
- e/ obračun naknade za uređenje građevinskog zemljišta i dokaz o uplati iste,
- f/ obračun naknade za prirodnu pogodnost korištenja građevinskog zemljišta (renta) i dokaz o uplati iste,
- g/ ostale dokumente koje je podnosilac priložio.

3. Razlozi za dostavu dokumentacije

Gradska uprava na čelu sa Gradonačelnicima u prethodnim mandatima, nadležne službe i nadležne inspekcije dovele su Grad u poziciju da više ne posjeduje prostorno – plansku dokumentaciju.

Ostao je sam Prostorni plan.

Aktivnosti Gradske uprave u posljednjih 10 mjeseci ne nagovještavaju značajnije promjene u oblasti urbanizma.

Prvi i najznačajniji ispit za potvrdu ili demant mog prethodnog navoda je Proces izrade i usvajanje Urbanističkog plana.

Uskoro ćemo dobiti odgovor na pitanje ima li značajnijih promjena u razvoju oblasti urbanizma ili će sve biti po starom, što znači : Rad bez prostorno – planske dokumentacije.

Sve ovo tražim u dobroj namjeri da ukažem na greške koje bi se i dalje mogle multiplicirati ako ne iskoristimo priliku i u što kraćem vremenu ne donesemo Urbanistički plan.

Dodamo li svemu tome i činjenicu da Grad nema Urbanističko-građevinskog inspektora niti arhitektu, shvatićemo težinu situacije u kojoj se nalazi Grad kada je u pitanju oblast urbanizma.

Čl. 14 Poslovnika o radu Gradskog vijeća , Sl. glasnik br. 17/2022 nedvosmisleno potvrđuje pravo Gradskog vijećnika na uvid u traženu dokumentaciju.

Šemsudin Skejić

Šemsudin Skejić


Gradski vijećnik
Šemsudin Skejić
25. Juli 2025. godine

-STRUČNA SLUŽBA GRADSKOG VIJEĆA
-PREDSJEDAVAJUĆA GRADSKOG VIJEĆA

Predmet: Vijećničko pitanje

Na osnovu člana 87. i člana 166. Poslovnika o radu Gradskog vijeća (novi prečišćeni tekst, Sl. glasnik 7/2022) postavljam set vijećničkih pitanja koja se odnose na stanje realizacije projekta Vodovoda: Rasječenica-Brezik u MZ Brezik

1. Da li je okončan, prije deset godina započeti, projekat Vodovoda Rasječenica-Brezik? Ako nije, molim da navedete vrijednost preostalih radova.
2. Da li je kompletiran projekat sekundarne mreže (prva i druga linija) za koju smo neke informacije dobili iz Izvještaja o stanju vodosnabdijevanja na području Grada broj: 02-45-1584/25-AP-3 od 14.07.2025. godine?
3. Da li su projektom sekundarne mreže (prva i druga linija) predviđena mjesta priključka za svaki zaseok-naselje? U odgovoru navedite lokacije na kojima se u skladu sa projektnom dokumentacijom trebaju priključiti svako od naselja koje će koristiti vodu iz Vodovoda Rasječenica.
4. Da li su neka od tih naselja već priključena na primarnu mrežu? Ako jesu, navedite da li su priključci izvedeni u skladu sa projektnom dokumentacijom sekundarne mreže.
5. U pomenutom izvještaju od 14.07.2025. godine navedena je investiciona vrijednost 240.000,00 KM za prvu liniju i 480.000,00 KM za drugu liniju. Da li to znači da je za Vodovod Rasječenica neophodno još 720.000,00 KM ili će možda dio postojeće sekundarne mreže biti korišten u cilju smanjenja troškova projekta sekundarne mreže?
6. Da li Gradska uprava ima plan za nastavak i okončanje vodovoda Rasječenica ili je to prepušteno Mjesnoj zajednici ili zaseocima ponaosob?
7. Ostalo:
U ovom projektu za koji sam smatrao da je na samom kraju, ima toliko nejasnoća, kontradiktornosti i nelogičnosti da se nastavak ni ne nazire. Ne nazire se ni kontinuitet, a kamoli završetak.


Šemsudin Skejić